

1.3.1 Debilidades

ANÁLISE DAFO DA ECONOMÍA GALEGA [DEBILIDADES]

- D.1** Escaso dinamismo poboacional.
- Elevado envellecemento da poboación que, xunto cunha taxa de natalidade das máis reducidas de Europa, pon en cuestión o relevo xeracional e a viabilidade do sistema asistencial.
 - Elevada porcentaxe de poboación dependente.
 - Forte demanda de infraestruturas sociais.
- D.2** Distribución territorial da poboación polarizada, con importantes áreas ao bordo dun proceso de desertización, fronte a outras suxeitas a unha elevada presión sobre o hábitat.
- D.3** Desequilibrio territorial, con clara dualidade entre a Galicia da franxa atlántica –dinámica, máis avanzada e urbana– e a Galicia rural –con forte predominio do sector primario, poboación envellecida e negativa dinámica demográfica–.
- D.4** Baixa taxa de actividade da poboación, que se agudiza coa situación económica negativa, afectando o mercado de traballo, caracterizado por unha taxa de actividade menor ca media nacional, sobre todo no tocante ao emprego feminino.
- D.5** Sector produtivo:
- Déficit industrial.
 - Baixa produtividade e PIB *per capita*.
 - Pouco atractivo para o investimento do sector exterior, que se reflicte no saldo negativo da IED.
 - Base empresarial composta por pemes, con base tecnolóxica madura, o que lle confire un escaso posicionamento estratéxico
 - A conformación das empresas galegas, ao igual que noutros eidos, que dificulta a colaboración e a *clusterización*, especialmente en actividades cunha ampla experiencia no noso país.
 - Infrautilización e falta de aposta pola sociedade da información e as TIC.
 - Escaso interese das empresas polo investimento en I+D+i, polo que a I+D+i que se xera en Galicia procede, practicamente na súa totalidade, de accións directas ou indirectas do sector público.
 - Déficit de solo industrial ben dotado e estratéxicamente comunicado, máis acusado nas áreas con maior desenvolvemento.
 - Falta de colaboración e de aproveitamento das externalidades positivas que xeran a universidade e a empresa de Galicia.

D.6 Sistema educativo:

- Elevado fracaso escolar.
- Falta de adecuación da formación ás demandas das empresas nunha economía globalizada.
- Débil capacidade de absorción polo mercado de traballo da man de obra cualificada.

D.7 Preocupante balance ambiental, cun atraso máis que considerable na implantación da Axenda 21 e rápida degradación do contorno natural.

D.8 Infraestruturas e transporte:

- Dispersión da poboación, que eleva os custos de infraestrutura, de prestación de servizos, así como os custos loxísticos empresariais.
- Galicia conta cunha orografía complicado que eleva de xeito considerable os custos das infraestruturas de transporte.
- Dificultade de acceso ao transporte público nalgúns núcleos de poboación, xeralmente pouco poboados, e deficiencias e ineficacia no funcionamento do transporte interurbano.
- Falta de articulación dunha rede de transporte metropolitano, que teña en conta as necesidades reais da poboación, máis alá dos límites administrativos existentes.
- Atraso considerable na rede ferroviaria e na construción do tren de alta velocidade.
- Tres aeroportos de reducidas dimensións, con escasa especialización e complementariedade.

Fonte: Consellería de Facenda. Elaboración propia